

Акафист преподобной Александре Дивеевской.

Кондак 1

Избранная угоднице Божия, преподобная матери наша Александро! Величающе прославляшаго тя Господа, воспеваем ти похвальная. Ты же имеющи велие дерзновение ко Господу и Пречистой Его Матери, от всяких искушений и бед свободи тебе вопиющих: Радуйся, преподобная матери Александро, первоначальнице обители Дивеевския.

Икос 1

Ангелов вышшая Всемилостивая Владычица наша Пресвятая Богородица избрала тя, Александро чудная, яко рабу Свою истинную и воздвиге тя прославити Имя Сына Своего в земли, четвертым уделом Ея нареченной. Мы же, видяще Божие о тебе благоволение, со умилением глаголем ти таковая:

Радуйся, доброделание от юности возлюбившая;

радуйся, блаженство евангельское стяжавшая.

Радуйся, в скорбех к тебе прибегающим поможение;

радуйся, в печалех скорое утешение.

Радуйся, дев дивеевских благодатное пристанище;

Радуйся, женам тихое прибежище.

Радуйся, вместилище благодати Божия;

Радуйся, земли Русския преславное украшение.

Радуйся, преподобная матери Александро, первоначальнице обители Дивеевския.

Кондак 2

Видяще избранничество твое в дивном о тебе Божии промыслении, земнаго бо обручника лишившись, и всю печаль на Господа возложивши, путь свой в Киев управила еси и тамо во обители Флоровской под покровом Пресвятыя Богородицы Небесному Жениху обручилась еси, благодарно взываем Богу: Аллилуиа.

Икос 2

Разум свыше приемши слова Божия: «Иго бо Моё благо и бремя Моё легко есть», преподобная матери, благое иго Христово на себе подъяла еси, богатство и славу временную презревши, воистину Богу последовала еси; темже и мы, прославляюще Дивнаго во святых Своих, воспеваем тебе сие:

Радуйся, свеще, любвию Христовою горящая;

радуйся, нищету Христову возлюбившая.

Ра́дуйся, путе́м преподо́бных жен шéствовавшая;
ра́дуйся, свѣтости и му́дрости духо́вныя испо́лненная.
Ра́дуйся, иере́ев тѣхая ра́досте;
ра́дуйся, мона́шествующих пра́вило.
Ра́дуйся, призы́вающих тя в моли́твах защи́тнице;
ра́дуйся, о нас пред Бо́гом ходатаице.

Ра́дуйся, преподо́бная ма́ти Алексáндро, первоначáльнице обители Дивеевския.

Кондак 3

Си́ла Вѣшняго воистину осені́ ты, егда́ Небесé и земли́ Цари́ца явѣся ти и повелé изы́ти из обители́ Флоровския в зéмлю избрáнную Свою́, ю́же обеща́ указáти тебé. И мы, слы́шаще о чу́дном повелéнии сем, поём Бо́гу: Аллилу́иа.

Икос 3

Име́ючи тщáние о по́двиге ино́ческаго равноáнгельнаго жити́я, преподо́бная Алексáндро, я́ко и́стинный во́ин Христóв на стра́жи сéрдца своего́ стоящи, не véровала еси́ áбие видéнию сему́, áки прелéстну могу́щу бѣ́ти, пришéдши же ко отцém Печéрским, вся сия́ повéдала еси́ им. Усмотрéвше у́бо тѣи дѣвную на тебé Божию́ мѣлость, и Цари́цу Небесную́ я́ко я́зву бесовóм проповéдавшие, благослови́ша испо́лнити вся повелéнная ти, нас же научи́ша пéти тебé тако́вая:

Ра́дуйся, я́ко явѣся тебé Воево́да Взбрáнная;
ра́дуйся, я́ко сподо́билася еси́ слы́шати повелéния Честнѣ́йшия Херувѣ́м.
Ра́дуйся, я́ко сла́вила еси́ Сла́внейшую́ без сравнѣ́ния Серафѣ́м;
ра́дуйся, святи́ни чѣ́стное и честнóе жили́ще.
Ра́дуйся, по́двига стра́нничества не убо́явшаяся;
ра́дуйся, Небесна́го Оте́чества пла́менне возжелéвшая.
Ра́дуйся, добродéтелей вели́ких вместѣ́лище;
ра́дуйся, отцы́ Печéрскими наречéнная преблаже́нною.

Ра́дуйся, преподо́бная ма́ти Алексáндро, первоначáльнице обители Дивеевския.

Кондак 4

Бу́рю помышлѣ́ний сумни́тельных утиша́ючи, твёрдую́ véру и упова́ние на Бо́га возложѣ́вши, преподо́бная ма́ти, вся глаго́лы Цари́цы Небесны́я в сéрдце твоём сохрани́ла еси́. И оста́вивши обитель, иде́же помышля́ла еси́ до конца́ днѣ́й своѣ́х подви́затися, во ино́е мѣ́сто востекла́ еси́. Мы же, шéствию́ твоёму́ раду́ющесея, поём Всеблагóму Бо́гу: Аллилу́иа.

Икос 4

Слы́шаши о свѣтости житія ѿноков Саровскихъ, ма́ти Алекса́ндро, востече́ ко оби́тели той. На пу́ти же, близъ хра́ма ве́си Дивеевския па́ки удосто́илася еси́ слы́шати пресла́дкий гласъ Преблагослове́нныя Богоро́дицы, указы́ющія на ме́сто сие́, Ёю́ возлю́бленное. И обеща́ ти Пречи́стая умно́жити зде Го́споду Бо́гу служа́щихъ, тебѣ же ве́рою воспева́ющихъ тако́вая:

Ра́дуйся, возлю́бленная Цари́цею Небе́сною;
ра́дуйся, избра́нная в Христо́вы неvéсты.
Ра́дуйся, пришѣдшая в зѣмлю обетова́нную;
ра́дуйся, послу́шная во́ли Пречи́стыя.
Ра́дуйся, ру́це свои́ о насъ к Бо́гу простира́ющая;
ра́дуйся, ве́ру правосла́вную утвержда́ющая.
Ра́дуйся, свѣтости ревни́тельнице;
ра́дуйся, преподо́бныхъ ра́досте.

Ра́дуйся, преподо́бная ма́ти Алекса́ндро, первонача́льнице оби́тели Дивеевския.

Кондак 5

Боготѣчную звезду́ ви́дим тя, на Небеси́ сия́ющую в со́нме свѣты́хъ, зѣмлю Ру́сскую освеща́ющую и на путь пра́вый насъ, во тѣме грехо́вней заблуждшихъ, направля́ющую, приводя́щу пѣти Творцу́ в Тро́ице: Аллилу́иа.

Икос 5

Ви́дяще тя, ма́ти преподо́бная, к наста́вникомъ оби́тели Саровския послуша́ния ра́ди пришѣдшую и во́ли своея́ совлѣкшуюся, путе́м многотру́днымъ и ско́рбнымъ шѣствующую, Ду́ха Свята́го дара́ми обогати́вшуюся, о́браз смиренному́дрія зримъ и поѣмъ тебѣ́ сѣце:

Ра́дуйся, все свое́ имѣние Обнища́вшему насъ ра́ди Бо́гу преда́вшая;
ра́дуйся, в ве́лиихъ трудѣхъ жити́е провожда́вшая.
Ра́дуйся, в постѣ́ и моли́тве Бо́гу угожда́ющая;
ра́дуйся, в ми́лости твоѣ́й не оскудева́ющая.
Ра́дуйся, хра́мы мно́гия устра́ивающая;
ра́дуйся, су́щимъ в ну́ждахъ помога́ющая.
Ра́дуйся, о ѿноцехъ Саровскихъ попече́ние и промы́шление;
ра́дуйся, ни́щихъ и убо́гихъ наде́ждо и утеше́ние.

Ра́дуйся, преподо́бная ма́ти Алекса́ндро, первонача́льнице оби́тели Дивеевския.

Кондак 6

Пропове́дуетъ жити́е твоѣ́, ка́ко невозвратнымъ желáниемъ Христу́ послѣдовала еси́, блаже́нная ма́ти Алекса́ндро: егда́ дщи́ твоя́ в ра́ннихъ лѣтехъ

преставися, в сем Божие изволение усмотревши, пети научила еси нас и в скорби Творцу всех: Аллилуиа.

Икос 6

Воссия в тебе просвещение истины, егда разумом своим удивляла еси всех к тебе приходящих, кротостию их на путь правый наставляючи и истины веры православныя разясняючи, да вси узрят свет учения Христова; мы же с любовью зываем ти:

Радуйся, матери Александро, Богом наученная;
радуйся, даром рассуждения от Него почтенная.
Радуйся, в милосердии святителю Николаю подобная;
радуйся, в делах благих стезями его шествующая.
Радуйся, немощным земледельцем в поли хлебы пожинающая;
Радуйся, во время жатвы младенцы посещающая.
Радуйся, в делах житейских премудрая управительнице;
радуйся, теплом и любовью души согревающая.

Радуйся, преподобная матери Александро, первоначальнице обители Дивеевския.

Кондак 7

Хотящи положить начало устройению обители, преподобная матери, три келлии поставила еси: единую молитвы ради и уединения, иную сестрам, пришедшим Богу угождати, и третью странноприимну, да вси поют Единому Богу в Троице: Аллилуиа.

Икос 7

Нового храма во славу Препоблагословенныя Богородицы строительница явилася еси, матери Александро, и от Казани список явленных чудотворных иконы Ея Казанския принесла еси, да прославится Имя Приснодевы Марии на месте сем, Ею возлюбленном, мы же благодарственно зовем ти:

Радуйся, обители Дивеевския твердое основание;
радуйся, яко тобою на милосердие Божие все наше упование.
Радуйся, в Киеве мощи преподобных Печерских испросившая;
радуйся, во обители Дивеевской яко благословение сия поставльшая.
Радуйся, в годину глада лютаго окрест живущих питавшая;
радуйся, молитвою твоєю нас от бед сохраняющая.
Радуйся, краткая и мудрая в храме Божиим распорядительнице;
радуйся, устава церковнаго усердная хранительнице.

Радуйся, преподобная матери Александро, первоначальнице обители Дивеевския.

Кондак 8

Странное явление видимо бысть, егда в нощи коленопреклоненно Господу молилася еси, да укажет волю Свою на освящение придела храма Казанския иконы Божия Матере. Сего ради явлен ти бысть незримою рукою образ первомученика и архидиакона Стефана. И мы, почитающе его, воспеваем Всеблагому Богу: Аллилуиа.

Икос 8

Всем сердцем своим, всею душею и мыслию Бога возлюбившая, мати Александро, первоначальница непрестанно молитвы в Дивееве явилася еси и, дар благодатных слез стяжавши, присно в трезвении пребывала еси. Мы же, ведуще духовныя подвиги твоя, глаголем таковая:

Радуйся, у иконы Божия Матере Живоносный Источник слезы умиления проливающая;

радуйся, о заблудших и скорбящих Бога умоляющая.

Радуйся, преподобным Серафимом великою и святою нареченная;

радуйся, в подвизех добрых благословенная.

Радуйся, стезю правую нам указующая;

радуйся, во обстояниях тя зовущих помогающая.

Радуйся, о жительствующих во обители твоей, яко о чадех попечительнице;

радуйся, обидящим их строга наказательнице.

Радуйся, преподобная мати Александро, первоначальнице обители Дивеевския.

Кондак 9

Ангелов ликостояния дивятся твоему милосердию, како легкими стопами селение обходила еси и, во смирении истиннем людем помощь подаваючи, о них усердно Богу молилася еси; тако и нас научи милости творити, воздвигни от лености и нерадения, да вси радостно поем Богу: Аллилуиа.

Икос 9

Ветии многословнии не возмогут изрещи силу Божию, в немощи телесе твоего явльшуюся, егда в час отдохновения от трудов и бдения, главу свою на камень преклоняла еси и одеждею ветхою в зной и стужу тело покрывала еси; мы же, дивящиеся сему, вопием ти таковая:

Радуйся, всем призывающим тебе скорая помощнице;

радуйся, о людех к тебе приходящих молитвеннице.

Радуйся, в бедах и горестех николиже оставляющая;

ра́дуйся, к райским селением призывающая.
Ра́дуйся, кладязь целебных вод ископавшая;
ра́дуйся, ещё жива́ сущи, дар чудодéйственных по́мощи стяжавшая.
Ра́дуйся, неизчерпаемая глубино́ любви и милосéрдия;
ра́дуйся, образе великаго к Бо́гу усéрдия.

Ра́дуйся, преподóбная ма́ти Алекса́ндро, первоначальнице обители Дивеевския.

Кондак 10

Спасти́ хотя́ всех притека́ющих во обитель Дивеевскую, о отше́ствии в вéчныя обители извести́ тя Господь, да попечéние о сéстрех дивеевских преподóбному Серафíму заповéдуеши. И мы, недостóйнии, покровíteлей тако́вых на Небеси́ улучи́вше, благодарственно воспева́ем Бо́гу: Аллилу́иа.

Икос 10

Стена́ всем святы́м, Пресвятáя Дéва, дивно́ управи отше́ствие твоё от жити́я сегó временнаго: в схиму́ бо великую́ облечéнная, ты в час кончи́ны Святы́х Христо́вых Таин приобщи́лася еси́ и ду́шу святу́ю в рúце Бóжии преда́вши, ны́не с лики́ жен преподóбных зри́ши Пресвятую́ Трóицу. Мы же, восхваля́юще жити́е твоё, глаго́лем ти си́це:

Ра́дуйся, сéстрам Дивеевским преподóбнаго Серафíма во отца́ испроси́вшая;

ра́дуйся, свети́ло земли́ Ру́ския в нем прозрéвшая.

Ра́дуйся, чудéсную по́мощь и по успéнии твоём прося́щим подаю́щая;

ра́дуйся, у Престо́ла Бóжия нас поминáющая.

Ра́дуйся, о во́инех, на по́ли бра́ни живóт свой полага́ющих, Бо́га умоля́ющая;

ра́дуйся, рыда́ния ма́терей о ча́дех утоля́ющая.

Ра́дуйся, пла́чущих и скорбя́щих утéшительнице;

ра́дуйся, о ро́де христиа́нстем пред Бо́гом предста́тельница.

Ра́дуйся, преподóбная ма́ти Алекса́ндро, первоначальнице обители Дивеевския.

Кондак 11

Пение́ возно́ся́ всем святы́м, в земли́ Русстей просия́вшим, страстотéрпец царь Никола́й ревновáше о прославлéнии твоём, ма́ти Алекса́ндро, но прёжде сам венце́м мученическим увенча́ся. Мы же, зря́ще дивное исполне́ние ча́яния его́, умильно вопи́ем Бо́гу: Аллилу́иа.

Икос 11

Светоподательная луча, ко Христу устремленная, явися житие твое, и множество иноков ко Обителем Горним ты привела еси, и вси чающие благодатныя помощи твоея с любовью глаголют тако:

Радуйся, от земли человеки возвышающая;
радуйся, кротости и незлобию научающая.
Радуйся, из волн житейских утопающих изымающая;
радуйся, свеще, ношь грехов разгоняющая.
Радуйся, монашествующих укрепление;
радуйся, слез горьких осушение.
Радуйся, источник целебных вод подающая;
радуйся, больныя и недужныя исцеляющая.

Радуйся, преподобная мати Александро, первоначальнице обители Дивеевския.

Кондак 12

Благодать и милость изливаеши, преподобная мати наша Александро, на всех к тебе приходящих и к мощем твоим припадающих, и прощение нам у Господа просящи, научаеши нас пети Ему: Аллилуиа.

Икос 12

Поюще тебе, мати преподобная, восхваляем чудеса и милости Божия, явленные роду человеческому святыми Его угодники, и притекающе во святую обитель твою, благодарно взываем ти таковая:

Радуйся, камению драгий, Христову Церковь украшай;
радуйся, обитель Дивеевскую от бед ограждающая.
Радуйся, святую волю Пречистыя Богородицы исполнившая;
радуйся, дар слез благодатных стяжавшая.
Радуйся, яко смирение твое бысть неисповедимо;
радуйся, яко любви твоя бысть ко всем нелицемерна.
Радуйся, ко христианскому житию наставляющая;
радуйся, с верою к тебе притекающим помогающая.

Радуйся, преподобная мати Александро, первоначальнице обители Дивеевския.

Кондак 13

О, предивная угоднице Божия, преблаженная мати наша Александро! Приими сие малое тебе возносимое моление наше и не отступи от нас молитвами твоими, но, яко имущи дерзновение у Христа Бога нашего, испроси нам милости и прощения в день судный, да, прошедше путь земнаго

странствия, невозбранно достигнем покоя Царствия Небеснаго и со всеми святыми воспоём Богу: Аллилуиа. (Трижды)

Молитва

О, святая угоднице Божия, преподобная мати наша Александро! Приими усердные молитвы наша, с верою и любовию к тебе возносимыя, и помози нам христианския добродетели стяжати, веру крепкую и любовь к Богу и к ближним имети, крест скорбей и болезней в терпении носити. О, госпоже наша и мати! Прости, благослови, помолися за нас, да и мы прощени будем, и помяни нас у Престола Божия, да, твоими молитвами спасаеми в нынешнем веке и в будущем, сподобимся хвалити и воспевати Всесвятое Имя Отца и Сына и Святаго Духа во веки веков. Аминь.